



Publicaziuns officialas dils 29-12-2017

Damonda da baghegiar

Nr. 105/2017

Datum da publicaziun: 29-12-2017

Patrun: Egloff Peter, 8003 Turitg

Liug e parcella: Sum il Vitg; 1538

Object: sanaziun dil tetg

Ils profils ein tschentai ed ils plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 29-12-2017

Cumissiun da baghegiar

Aperitiv da Daniev

La suprastonza communal envida Vus cordialmein, preziasas convischinas, prezias convischins e prezias hosps ad in aperitiv da Daniev. Communablamein vulein nus far in viva sigl onn niev. Igl aperitiv da Daniev ha liug allas 17.00 uras sin plaz scola a Sumvitg. La suprastonza communal selegra da beneventar Vus e giavischa gia uss ina buna ruschnada egl onn niev.

Sumvitg, 29-12-2017

Suprastonza communal Sumvitg

Sera d'orientaziun e discussiun pertuccont #habitar@giuven – in'idea co utilisar la casa da scola Sumvitg

La vischnaunca envida oravontut la GIUVNETETGNA a quella sera.

Venderdis, ils 05-01-2018 allas 20.00 uras en casa da scola a Sumvitg.

#ORIENTAZIUN #DISCUSSIUN #APERITIV #NIES AVEGNIR #GIUVNETETGNA

Sumvitg, 29-12-2017

Vischnaunca Sumvitg

PREAVIS

Administraziun communal / Comunicaziun

L'administraziun communal resta serrada sur las fiastas da Nadal e Daniev sco suonda:
naven da venderdis, ils 22-12-2017, allas 17.00 uras, entochen mesjamna, ils 27-12-2017
allas 08.00 uras

naven da venderdis, ils 29-12-2017 allas 17.00 uras, entochen mesjamna, ils 03-01-2017 allas
08.00 uras

Nus engraziein per la buna collaboraziun, giavischein benedidas fiastas da Nadal ed in bien
niev onn.

Sumvitg, 29-12-2017

Administraziun communal

Novas uras da spurtegl

Naven digl 1. da schaner 2018 ha l'administraziun communal novas uras da spurtegl. Daniev
ei il spurtegl aviarts la gievgia suentermiezdi naven dallas 16:00 entochen las 17:00 uras. Las
ulteriuras uras da spurtegl restan sco tochen dacheu:

gliendisdis, mesjamna, gievgia e venderdis	08:00 – 11:00	16:00 – 17:00
mardis	08:00 – 11:00	16:00 – 18:00

Nus supplichein per enconuschientscha.

Sumvitg, 29-12-2017

Administraziun communal

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val
anen per tut traffic.

Sumvitg, 29-12-2017

Departament stradal

Ils Retgs dalla vischnaunca da Sumvitg fan viseta

Entuorn Buania visitein nus las casadas da nossa vischnaunca. Il tur entscheiva mintgamai
allas 17.00 uras. Dallah bunamanas che nus astgein retscheiver, va ina pintga summa en
nossa cassa da classa. La gronda part dil recav ei destinada per projects caritativs. Nus
engraziein gia ordavon per Vies sustegn e giavischein a Vus in bien niev onn.

Ils retgs, las reginas

Cumpadials

venderdis, ils 5 da schaner

sonda, ils 6 da schaner contan ils retgs duront la messa en Casa sogn Giusep allas 17.00.

Ils Retgs da Cumpadials sorprendan era la staziun da Sumvitg.

Rabius

venderdis, ils 5 da schaner

Runs, Caho, Fraissen, Curtins, Gara

sonda, ils 6 da schaner

Cavivens, Gir, Tschuppina, Rabius sut via, Rabius sur via

dumengia, ils 7 da schaner

Campieschas, Cumadé, Caduff, Chistrisch, Fravia, Catat

dumengia, ils 7 da schaner contan ils Retgs duront lamessa allas 11.00

Surrein

sonda, ils 6 da schaner

Val, Reits, Giachentrina, Plazzas su

dumengia, ils 7 da schaner

Plazzas sut, Caglieci, Encarden, Planatsch, Bubretsch

dumengia, ils 7 da schaner contan ils retgs duront la messa allas 9.30

Sumvitg

venderdis, ils 5 da schaner

Clavadi, Sogn Benedetg, Siltginas

sonda, ils 6 da schaner

Sut via

sonda, ils 6 da schaner contan ils retgs duront la messa allas 19.00

dumengia, ils 7 da schaner

Sur via

Meisa da miezdi (gentar communabel) dalla Pro Senectute a Cumpadials

La Pro Senectute Surselva organisescha ensemen cun Nadja Scolieri ell'«Ustria dalla staziun» a Cumpadials ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi duei esser da promover la cuminonza ella vischnaunca da Sumvitg e contuorn denter las persunas ella vegliadetgna dalla pensiun. Plinavon dat ei la pusseivladad d'embellir quella occasiun cun star suentermiezdi da cumpignia e dar in scart troccas ni auters giugs.

Liug: «Ustria dalla staziun», 7176 Cumpadials

Datum: **venderdis, ils 12 da schaner 2018** allas 12.00

Annunzias: Ein da far entochen mesjamna sera tier «Ustria dalla staziun», Cumpadials
Tel. 081 943 19 22

Engraziel fetg e cordials salids *Pro Senectute Grischun*